



## **PRESS SECRETARIAT**

**MINISTRY OF THE PRIME MINISTER & CABINET**

**Apia, Samoa**

Telephone : (685) 63222 ext 746, 747, 748, (685) 24799, (685) 26397

Fax : (685) 26322 Email: [presssecretariat@samoa.ws](mailto:presssecretariat@samoa.ws)

**Press Release**

**17 Aperila 2008**

### **1. Fono i Ueligitone.**

Ua faamaonia e le Kapeneta le malaga atu o le Ta'ita'ifono o le Pulega o Uafu ma Taulaga, le Afioga Tuisugaletaua A.S. Aveau, ma le Pule Sili, le Susuga Toleafoa Elon P. Betham, e auai i le Fono e Fa'atatau i Felauaiga o Oloa, e usuia i Ueligitone, Niu Sila i le aso 16 -17 Aperila 2008.

O lenei fono o le a mataitu ai ma mulimulita'ia o metotia o loo fa'aaogaina i Niu Sila , atoai ma fautuaga o le a faapea ona fa'asoa mai e i latou o loo i ai le tomai faapitoa i ia ituaiga matātā, ma limata'ita'iina ai galuega faatino, aemaise atina'e tetele o loo fa'agasolo nei e le Pulega o Uafu ma Taulaga.

### **2. Fuafuaga mo le Faatinoga o le “Talomua” Tausaga Faaletupe 2008.**

Ua faamaonia e le Kapeneta le polokalame o le Talomua e suia ai Fa'aaliga a le Matagaluega o Fa'aatoaga sa ta'i lua tausaga ma fai, ma ua maea nei le polokalame muamua o le tausaga fa'aletupe 2007/2008.

Sa fa'atino i le masina o Mati 2008 Talomua e tolu i Upolu, e aofia ai Aleipata itupa i lalo seia paia Lotofaga, ma Falealili i Lefaga, faapea le lua i Savaii, o Faasaleleaga 1 – 4 , Palauli ma Satupaitea.. Ua fa'aopopo foi le tele o Itumalo Fa'atalomua e tusa ma le 1/3 mai le fua sa faatino i le tausaga 2007/2008. Ua i ai foi le fa'aopopoga e tasi le Polokalame Fa'alafumanu, tasi le Polokalame Fa'afaigafaiva e fa'atino i vaega talafeagai ma le auga o le Talomua.

O lenei Polokalame o le a galulue fa'atasi ai le Matagaluega o Fa'atoaga ma le Matagaluega o Tina ma Tamaitai, e ala i le fesoasoani mai a le Vaega o Pulenuu.

### **3. Teuteuga o le Faavae 2008**

Ua faamaonia e le Kapeneta le Tulafono e teuteu ai le Fa'avae ina ia siitia tupe lē fa'atagaina mai le 1 pasene i le 3 pasene. O lenei Tulafono ua ta'ua o le Tulafono Teueuga o le Faavae 2008.

O le suiga lenei, o le a faigofie ai le avanoa e fa'aaoga ai e le Malo Tupe lē Faatagaina ona o ni galuega tāua e tataua ona faia ae sa le'i fuafuaina i le Tala Fa'atatau o Tupe. O lenei tupe o le a fesoasoani i le atiina'e a'e o galuega fa'atino a le Malo o loo fuafua mo le Atunu'u.

**Government Press Release.**